

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa Programom utroška sredstava planiranih Budžetom Zeničko-dobojskog kantona za 2020. godinu u Ministarstvu za rad, socijalnu politiku i izbjeglice, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine i broj: 02-11-10814/20 od 26.06.2020. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 82. sjednici održanoj dana 30.10.2020. godine, d o n o s i

ODLUKU

o odobravanju sredstava za sufinansiranje Projekta „Obnova Pravoslavne kapele u mjestu Gradište kod Zenice“

Član 1.

(Predmet)

Odobravaju se sredstva u iznosu od 26.000,00 KM (slovima: dvadesetšest hiljada konvertibilnih maraka) Srpskoj pravoslavnoj crkvenoj opštini i parohiji u Zenici za sufinansiranje Projekta „Obnova Pravoslavne kapele u mjestu Gradište kod Zenice“, sa ciljem potpore povratka na području grada Zenica.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona” broj: 24/19 i 7/20), sa razdjela 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.

(Uplata sredstava)

Odobrena sredstva će se uplatiti na račun Srpske pravoslavne crkvene opštine i parohije u Zenici, broj: 1610550006230051 otvoren kod Raiffeisen banke, ID broj: 421851510003, svrha uplate: „Sufinansiranje Projekta „Obnova Pravoslavne kapele u mjestu Gradište kod Zenice“, sa ciljem potpore povratka na području grada Zenica.

Član 4.

(Izvještavanje)

Obavezuje se Srpska pravoslavna crkvena opština i parohija u Zenici, da Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku sredstava po završetku projekta, a najkasnije do 31.12.2020. godine.

Član 5.

(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER
po ovlaštenju

Mirnes Bašić

Broj: 02-11-17505/20
Datum, 30.10.2020. godine
Z e n i c a

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Srpska pravoslavna crkvena opština i parohija u Zenici, putem Ministarstva,
1x „Službene novine Zeničko-dobojskog kantona“,
1x a/a.